

Date – 22/07/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Governor Dr Hari Babu Kambhampati an vawiin khan RIPANS a tlawh.
2. Income Tax Department chuan, Tribal nih avanga sorkar a thil tihfel ngai tifel si lova income tax pek loh rikngawt chu chhuanlam a tling pha lo, an ti.
3. Vawiin Parliament Budget session tan ni ah kum 2024-25 chhungin rampum sum dehchhuah gross domestice product (GDP) chu zaa 6.5 atanga 7 a thang tura chhut a nih tarlan a ni.
4. Union Eduction Minister Dharmendra Pradhan-a chuan NEET UG paper leak chungchangah sawrkarin engmah thup a nei lo a ti.



GOVERNOR

Governor Dr Hari Babu Kambhampati an Regional Institute of Paramedical and Nursing Sciences (RIPANS) vawiin khan a tlawh a, khum 100 awmna RIPANS Hospital sak thar chhunga section hrang hrang leh ward hrang hrangte en a. RIPANS faculty te chuan kumin kum tawp laan hrilh a ni.

RIPANS Hotute chuan hemi kaihnawihah hian a panna kawngpui siam tha turin MPWD hnenah ngenna an siam a. Power supply leh tui supply-na atana PHED leh P&E Department-te puihna an mamawh thu an sawi bawk a. Heng thil pawimawh pathum te hi state lam atanga tihhlawhtlin sak an nih chuan anmahni lam chu Kumin kum tawp lam,

October emaw November thlaah chuan Damlo leh a mamawh tu tan he Hospital hi hawn theih a beiseiawm an ti.

Governor tlawh pual hian RIPANS chuan an Conference Hall-ah official meeting tawi an buatsaih a. Meeting hi Dr Sanjay D Sawant, Director kaihhruaiah hian tun dinhmuna RIPANS in mamawh tlem a neih te leh Governor puihna an mamawhna te RIPANS thuneitute chuan an thlen nghal a ni.

Thusawiin, Governor chuan nakin lawkah chuan he RIPANS Hospital tuna khum 100 awmna hi India rama Sawrkar damdawiin tha filawr AIIMS, Delhi te anga tih changtun a nih a beiseiawm a ti a. RIPANS Hospital hian Mizoram tan chauh ni lo, hmarchhak bial pumpui tan pawh healthcare sector-ah service quality tha zawk a rawn belhchhah dawn avangin a lawm awm tih a sawi bawk.

RIPANS hi kum 1995-96-a NEC hnuaiah din a ni a. April ni 1 2007 khan Ministry of H&FW-ah sawn leh a ni a, tunah chuan, Ministry of H&FW, Government of India in a enkawl bik institute awmchhun a ni ta a ni. RIPANS chungchang chipchiar zawka hriat duh tan website : ripans.ac.in ah a enchian theih a ni.



PARL SESSION

Parliament Monsoon session atana inbuatsaihna All Parliamentary Leader meeting nimina neih ah Mizoram MP pahnih ten thu an sawi a.

Lok Sabha MP Pu Richard Vanlalhmangaiha chuan North East State te tana NLCPR 10% reserved thin a ni ang hian Corporate Social Responsibility (CSR) Fund hi North East tan 10% reserved a nih theih nan tun Budget session-ah hian sawiho tura chhawpchhuah ve ni se a duh a ti a.

Rajya Sabha MP Pu K.Vanlalvena chuan Remal Cyclone in May ni 28, 2024-a Mizoram min nuai avanga Aizawl khawpuia mi 30 thihna leh chhungkaw 40 chuang chenna in hloh an awm thu te, Quarry chim avanga mi 14 thihna te, July ni 2 a leimin avanga mi 3 thihna te bakah Monsoon ruah sur nasa avanga Mizoram hmun hrang hranga leimin in motor kawng a tih chhiat te, tui lianin leilet leh thlai a tih chhiat nasat thu te au chhuah puiin Disaster Management & Rehabilitation (DM&R) Mizoram tana fund pek belh kan tul thu a sawi bawk a ni.

All Parliamentary Leader Meeting hi Union Minister of Parliamentary Affairs Pu Kiren Rijiju an a kaihruai a. Union Minister of Defence Pu Rajnat Singh leh Leader of Rajya Sabha Pu JP Nanda ten an tel pui bawk a ni.



LESDE MINISTER

Minister of State, Labour Employment, Skill Development & Entrepreneurship changttu Pu Lalnghinglova Hmar chuan vawiin khan Mamit a tlawh a. Minister ho hian DC Conference Hall-ah District Bawrhsap Pu Jacob Lalawmpuia kaihhruaiin Ruihhlo Do beihpui thlak a thawhho dan tur sawiho a ni.

Hmalakna tur hrang hrang sawiho naah hian Mamit khawpui chhunga kohhran hrang hrang tangrualin ruihhlo ngaite khungkhawm a, enkawlina pekte, zirna school-ah karkhatah ni 1 tal ruihhlo do tura zirtirna pek nise tihte chu hmalakna tur atan chhawpchuah a ni.

Kalkhawmte atang ruihhlo do tura hmalakna tura rawtna hrang hrangte sawihona hun hman zui a ni bawk.

Pu Lalnghinglova Hmar hian Mamit Excise Office tlawhin Pu Lalsangzuala Ralte, Asst. Commissioner, Excise & Narcotics Department, Mamit chuan a lo dawngsawng a, thawhtanni zing apiang a an neih thin chhung inkhawm hmanpuiin, thawktute fuihna thu a sawi a. Mamit District chu ramri-a awm an nih avangin thawktute pawh an hah hle anga, amaherawhchu thawktu an indaihlo tih chhuanlama hmang lovin, sawrkarin he hna thawktu tur hian midang a neilo a ni tih hria a, mi pahnih/pathum hen tur khawpa thawkrim leh taimak chhuah turin thawktute a chah a ni.

Excise Minister hian Asst. Commissioner of Excise & Narcotics Staffs atanga Incentive Award dawngtu mi 8 te hnenah chawimawina a hlan nghal bawk a ni.



INCOME TAX NEWS

Income Tax Department chuan, Tribal nih avanga sorkar a thil tihfel ngai tihfel si lova income tax pek loh rikngawt chu chhuanlam a tling phalo, an ti.

He thu hi vawiina Mizoram State Income Tax Officer Pu Remthanga Gangte leh Akashvani Correspondent-te inkawmna hunah State Income Tax Officer chuan sawiin, Mizo mipuite tan Aizawl Income tax Office chu kumin June ni 3-ah Bawngkawn Brigade hmuna hawn a nih thu a sawi a, Sorkar hnathawk Tribal nilo-ten Income Tax kim taka an pek theih nan Department tina DDO-te chu an pawimawh hle thu leh Income tax pek ngailo te pawhin felfai taka return file online hmanga tih a ngaih thu a sawi. Pu Remthanga Gangte chuan Sorkar laipui leh Mizoram Sorkar hnuiaia contract hna reng rengah income tax pe turten mumal taka an pek a pawimawh thu leh tribal contractor te tan pawh income tax an

awl theihna atan sorkarin document neih tul a tihte neih thlap a pawimawh bakah mumal taka income tax office an dawr a pawimawh thu a sawi a, Mizoram chhunga contract hnathawk zinga Tax Deduction Source leh Income Tax Return tih ngai ten an ngaih pawimawh hle a tul thu a sawi bawk.

Pu Remthanga Gangte chuan Mizoram chu India ram hmun dang ang bawk a sum leh pai lakluhna leh sumdawna kawngah pawh a than nasat thu a sawi a, sorkar laipui hmalakna avangin sum leh pai che vel pawh online hmang deuh vek a ni tawh a, vawi leh khata sum hlawm lian tak bank account kaltlanga thawn leh dawn chungchang thu-ah pawh mipuite, a bik takin sumdawng lianten harsatna an tawh loh nan income tax department an rawn vat a that thu a sawi bawk. Mizoram Income Tax Officer chuan Aizawla Income Tax Office chu enforcement department a nih loh thu leh income tax chungchanga mipuite puitu an nih thu a sawi a, Mizote chu tribal an nih angin income tax chawi an ngaih lohna lai a thil tihfel ngaite hlamchhiah mai lova tihfel vat thin a pawimawh tih a sawi bawk.

Mizoram a sumdawng, a bik takin lirthei zuarten Tax Collected Source (TCS) an ngaih pawimawh a ngaih thu a sawi a, lirthei cheng nuai 10 man chinah TCS za a pakhat (1%) cut a nih thute leh document felfai lo a awm palh chuan za a panga (5%) lai cut a ngaih thute bakah, motor dealer ten an customer-te hamthatna atan tax return mumal taka an file-a pawimawh thu te a sawi bawk.

(CORR)

<><><>

LEITHUM BRANCH YMA

Vawiin khan Champhai District a Leithum YMA Branch chuan an khuaa damlohna avanga hun rei tak awm tawh, hlo thlawh puin YMA Member thahnem tak tlawmngai in an thawk chhuak.

Leithum Branch YMA in a hlo an thlawh sak Pu Biakthanzauva te fapa hi hun rei tak Damdawiin-a enkawl a nih hnu in a boral a, thlawh hma kawng pawh an zawh mumal theih loh avangin Leithum YMA Branch chuan, "Tanpui ngaite tanpuitu YMA" a nih hrerengin hlo thlawh thawh tum hnihna, hnuhram hi an thawhsak ta a ni.

Leithum Branch YMA hruaitute hnen atanga thu dawn danin, Pu Biakthanzauva te hian an lo ah buh tin hnih vel an tuh a, tunah hian buh eichhe theitu, buh hnahkhawrin a chimbuai mek a ni. Leithum khua hi In 124 vel niin YMA Member 400 dawn an awm mek a, Leithum Branch YMA hian mi harsa puih ngaite hun dangah pawh an lo pui fo tawh thin a ni.

<><><>

ADC MEETING

India hmarchhak a Autonomous District Council 10 hotute chu vawiin khan New Delhi ah an inhmukhawm a

Hmarchhak a State hrang hrang a Autonomous District Council hotute hi Chanakyapuri, New Delhi ah vawiin chawhma dar 10 atang khan inhmukhawmin, inpumkhatna leh thawhhona tha zawk a awm theih nan a hmalakdan tur hrang hrangte an sawi hova, Hmarchhak a Autonomous District Council ten dinhmun sang zawk leh hmasawna tam zawk an neihtheih nan a rawtna awmte sawihovin, an chanvo tur diktaka an chan theih nan a hmalakho tha an ti a, Sorkar laipui a thlen ngaite thlen nghal tha an ti a, a bawhzuina ah pawh lungrual taka bawhzui nise an ti.

Autonomous District Council hotute New Delhi a inhmukhawmna ah hian Mizoram a Autonomous District Council pathum te chuan aiawh an tir a, Lai Autonomous District Council atangin Chief Executive Member Pu C.Lalmuanthanga leh LADC Deputy Chairman Pu H.Lalmuansanga te he Meeting ah hian an tel a, Tiprah Morcha Chief, Maharaja Pradyot Debbarna pawh he Meeting ah hian a tel.

Hmarchhak biala Autonomous District Council te chuan August thla hian Shillong ah inhmukhawm leh nise an ti a, Sorkar laipuia an thuthlente bawhzui dantur leh hmalakna tur an duan hrang hrang a hmalakna te thlirho nise an ti.

<><><>

PARLIAMENT

Vawiin Parliament Budget session tan ni ah kum 2024-25 chhungin rampum sum dehchhuah gross domestice product (GDP) chu zaa 6.5 atanga 7 a thang tura chhut a nih thu Union Finance Minister Nirmala Sitharamani'n a sawi.

Pi Sitharaman-i hian Lok Sabha-ah Economic Survey pharhin kum 2023-24 chhungin khawvel sum leh pai dinhmun derthawng tak karah ramchhunga eizawna ten ram pum thanna kawngah an pui nasa tih a tarlang a. Survey chuan tun sawrkar kum lo awm turah hian sumdawna leh service lam a thang dawn niin a tarlang a. India Meteorological Department in ruahtui tla tha tura a hrilhlawk avang leh chhimthlang fupui southwest monsoon a that dawn avangin agriculture lama hlawkna a san belh dawn tih Economic Survey ah hian tarlan a ni a. Hei bakah hian kalphung inthlakna GST leh OBC te an hmin tawh a, chuvangin rah tha tak an chhuah dawn tih a tarlang bawh a ni.

<><><>

NEET UG

Union Education Minister Dharmendra Pradhan-a chuan NEET UG paper leak chungchangah sawrkarin engmah thup a nei lo a ti. Vawiina Lok Sabha zawhna leh chhanna hunah he thu hi sawiin Pu Pradhan-a chuan kum sarih liamta chhungin paper leak hi a thleng lo a ti a. National Testing Agency chuan kum din anih hnuah exam tum 240 a buatsaih tawh thu sawiin NTA exam ah hian zirlai nuai 50 chuang an inlan tawh a ni a ti a. Pu Pradhan-a chuan CBI in NEET examination hi a chhui mek tih a sawi bawk a ni.

Hemi hma hian Congress hruaitu leh Leader of Opposition Rahul Gandhi chuan ramchhunga exam buatsaih danah thil fel lo a awm thu a sawi a. Sawrkarin engtiang takin nge he thil hi chinfel a tum tiin Pu Pradhan-a hi a zawt a. Ramchhung zirlai maktaduai chuang an hmalam hun ngaihtuahin rilru hah taka an awm thu a sawi a ni.



INDIAN IN ISRAEL

India mi 4825 Israel-a hnathawk tura thawnluh tawh an ni. Union Minister of State for Labour and Employment Shobha Karandlaje chuan Lok Sabha-a ziaka zawhna chhangin he thu hi a tarlang a. Heng India mi Israel-a hnawthawk tura tirhluhte hian India leh Israel in remna thuthlung an lo siam tawh angin Israel mi te ang bawkin hamthatna an dawng ve dawn a. Chennai, damdawi inenkawlina leh social security hrang hrangah hamthatna pek ve an ni ang.

